



OUTENIQUA HOËRSKOOI • HIGH SCHOOL

SKOOLHOOF: CP VORSTER • POSBUS / PO BOX 181 GEORGE 6530
TEL: 044 874 4156 FAKS / FAX: 044 874 4188 OR / OF: 086 635 7336 • E-POS / E-MAIL: info@outeniqua.co.za WEB: www.outeniqua.co.za

6 Augustus 2020

Geagte Ouer en Voogde

Beheerliggaam: Tussenverkiesing

Ons het 'n tussenverkiesing vir 8 April 2020 beplan. Die grendelperiode is op 28 Maart afgekondig en die tussenverkiesing kon nie plaasgevind nie. Die inperkings maatreëls het ons gedwing om na 'n alternatiewe manier van verkiesing te gaan kyk. **Fedsas en Voting Crowd (Mnr. Jaco Pretorius van Mosselbaai)** het 'n lootsprojek van stapel gestuur. Tien skole in Suid-Afrika, waarvan Hoërskool Outeniqua deel is, gaan in die volgende maand aanlyn verkiesings hou.

Hoërskool Stellenbosch het in 2018 met die verkiesing van hulle beheerliggaam 'n soortgelyke aanlynstelsel gebruik en teen 10:00 die oggend het 70% van hulle ouers reeds gestem. Die aanlynverkiesing skep in hierdie tyd 'n veiliger omgewing en ouers hoef nie hulle tyd te gebruik om na die skool te kom om te stem nie.

Die verifiëring van die uitslae is ook baie makliker as met die ou stelsel. Die programmatuur is so opgestel dat met die druk van 'n knoppie die rekenaar die stemme tel. Die uitslae van die verkiesing sal ook binne 'n uur nadat die verkiesing gestop het, beskikbaar wees. Die persoonlike inligting van elke persoon word ook deur 'n kontrak tussen die skool en Voting Crowd beskerm. Die program is ook geskryf dat geen ouer of wettige voog vir 'n tweede of derde keer kan stem nie.

Die volgende stappe moet gevolg word:

1. Departement van basiese onderwys moet toestemming vir die projek gee. (Toestemming ontvang).
2. WKOD moet toestemming gee. (Toestemming ontvang).
3. Kennisgewing aan ouers gaan Vrydag 7 Augustus 2020 aan die ouers gegee word.
4. Nominasies van kandidate moet voor of op 25 Augustus 2020 om 14:00 by die skool ingedien word. Nominasievorms is by die skool of kiesbeampte beskikbaar. Die nominasievorm kan ook op die skool se webbladsy gekry word.
5. Indien ouers nie internet toegang het nie, kan hulle deur die loop van **1 September 2020** vanaf 08:00 tot 17:00 in die rekenaarlokaal K35 gaan stem. Die normale Covid-regulasies van maskers dra, skandering en sosiale afstand moet gehandhaaf word. Ouers kan ook van die skool se wifi in die parkeerarea gebruik maak. Dan hoef hulle nie deur die skanderingproses gaan nie.
6. Ouers gaan na www.votingcrowd.co.za gaan en stem.
7. Elke ouer sal 'n unieke password via sy/haar epos ontvang. Die ouers gebruik sy/haar ID-nommer en die unieke password om toegang tot die verkiesingsblad te verkry.

In Maart 2021 word die nuwe beheerliggaam vir 'n periode van drie jaar verkies. As die Kwagga-ouers hierdie tussenverkiesing suksesvol afhandel, kan ons in 2021 die beheerliggaamverkiesing op dieselfde metode doen. Graag doen ek 'n beroep op elke ouer om van die geleentheid gebruik te maak en deel te neem om die tussenverkiesing 'n sukses te maak.

Vriendelike groete

C. P. Vorster
Skoolhoof



**2020-BEHEERLIGGAAMTUSSENVERKIESINGS
VERKLARING TEN OPSIGTE VAN SKOOL SE GEREEDHEID**

Dié vorm moet deur die skoolkiesbeampte voltooi word en, minstens 21 dae voor die eerste verkiesing by die skool, by die distrikskiesbeampte ingedien word.

NAAM VAN SKOOL: Hoërskool Outeniqua
ONDERWYSDISTRIK: Eden en Sentraal Karoo

KRING: 8

NAAM VAN KIESBEAMPTE: Mnr. Johan Smit

NR.	GEREEDHEID	JA	NEE	KOMMENTAAR/ VOLGENDE STAP/STAPPE
1	Erkende/opgeleide skoolkiesbeampte is aangestel.	√		
2	Skoolkiesspan is in gereedheid gebring en van hul pligte en verantwoordelikhede in kennis gestel.	√		
3	Skool se verkiesingsdatum/datums is bevestig en aan alle belanghebbendes gekommunikeer.	√		
4	Skool het 'n doeltreffende ondersteuningstrategie in gereedheid gebring.	√		
5	Lokaal/lokale vir die benoemings- en verkiesingsvergadering is ingerig, en vir alle deelnemers beskikbaar gestel.	√		Aanlynverkiesing, program reeds gelaai
6	Geskikte meubels en skryfbehoeftes (insluitende stembriewe en stemhokkies) is vir die benoemings- en verkiesingsvergadering beskikbaar gestel.			N. v. T.
7	Registrasie van kiesers is afgehandel en die kieserslys is bevestig.	√		
8	Alle tersaaklike dokumente is aan belanghebbendes beskikbaar gestel (insluitende tersaaklike omsendbriewe en regulasies).	√		

Verdere kommentaar:

Hierdie tussenverkiesing gaa as gevolg van Covid aanlyn gedoen word. Dankie aan die ouers, personeel en die kiesbeampte

HANDTEKENING VAN PRINSIPAAL

DATUM

HANDTEKENING VAN KIESBEAMPTE

DATUM

2020.08.07

2020-08-07



**2020-BEHEERLIGGAAMTUSSENVERKIESING
KENNISGEWING VAN BENOEMINGS- EN VERKIESINGSVERGADERING**

Verkiesing van Ouers tot die Beheerliggaam
(Regulasies 10, 12, 13, 15, 16 en 17 van die Regulasies vir Prosedures vir die Instelling en Verkiesing van Beheerliggame by Openbare Skole, 2017)

NAAM VAN SKOOL: Hoërskool Outeniqua

Kennis word hiermee gegee dat 'n aanlyn benoeming van kandidate en aanlyn-verkiesing van kandidaat vir die verkiesing van 'n **OUER** as lid van die beheerliggaam vir die bogenoemde skool gehou sal word op **1 September 2020** vanaf 08:00 tot 17:00. Indien 'n kworum nie bereik word nie, sal 'n opvolgverkiesing gehou word vanaf 07:00 tot 17:00 op **2 September 2020**.

'n Kandidaat moet minstens sewe dae voor bogenoemde verkiesingsdatum benoem word. 'n Benoemingsvorm is beskikbaar by die skool of die skoolkiesbeampte of op die webtuiste van die skool. Dit moet behoorlik ingevul word deur 'n voorsteller, die sekondant en die benoemde kandidaat. Vir hierdie doel sal benoemings by die skool aanvaar word vanaf Dinsdag 11 Augustus 2020 (07:30) tot Dinsdag 25 Augustus 2020 om 14:00. Die lys van genommineerdes sal op Woensdag 26 Augustus 2020 om 16:00 op die skool se webtuiste en die D6 geplaas word.

Indien daar meer kandidate benoem word as die getal lede wat verkies moet word, sal 'n stemming gehou word nadat die benoemings ingedien is.

07/08/2020

DATUM


HANDTEKENING VAN SKOOLKIESBEAMPTE

ADRES:

Postbus 1086
George
6530.

VERKIESINGSREËLS

(Moet kennisgewing van 'n benoemings- en verkiesingsvergadering vergesel.)

1. SAMESTELLING VAN BEHEERLIGGAAM

- a) 'n Beheerliggaam van 'n gewone sekondêre skool, 'n middelbare skool en 'n gekombineerde skool bestaan uit—
 - i) sewe ouers wat nie by die skool in diens van die Wes-Kaap Onderwysdepartement of die beheerliggaam is nie;
 - ii) twee opvoeders by die skool, gekies deur opvoeders in diens by die skool;
 - iii) een nie-opvoeder by die skool, gekies deur personeel by die skool wat nie opvoeders is nie;
 - iv) twee leerders in die agtste graad of hoër, gekies deur die verteenwoordigende raad van leerders vanuit sy geledere; en
 - v) die prinsipaal.
- b) Behoudens paragrawe (c), (d) en (e) moet 'n beheerliggaam van 'n gewone primêre skool bestaan uit—
 - i) vyf ouers wat nie by die skool in diens van die Wes-Kaap Onderwysdepartement of die beheerliggaam is nie;
 - ii) twee opvoeders by die skool, gekies deur opvoeders in diens by die skool;
 - iii) een nie-opvoeder by die skool, gekies deur personeel by die skool wat nie opvoeders is nie; en
 - iv) die prinsipaal.
- c) 'n Beheerliggaam van 'n gewone primêre skool met 'n diensstaat van een opvoeder bestaan uit—
 - i) twee ouers wat nie by die skool in diens van die Wes-Kaap Onderwysdepartement of die beheerliggaam is nie; en
 - ii) die prinsipaal.
- d) 'n Beheerliggaam van 'n gewone primêre skool met 'n diensstaat van een opvoeder en een nie-opvoeder bestaan uit—
 - i) drie ouers wat nie by die skool in diens van die Wes-Kaap Onderwysdepartement of die beheerliggaam is nie;
 - ii) die prinsipaal; en
 - iii) die nie-opvoeder by die skool.

- e) 'n Beheerliggaam van 'n gewone primêre skool met 'n diensstaat van twee opvoeders en een nie-opvoeder bestaan uit—
 - i) vier ouers wat nie by die skool in diens van die Wes-Kaap Onderwysdepartement of die beheerliggaam is nie;
 - ii) een opvoeder by die skool, gekies deur opvoeders in diens by die skool;
 - iii) die nie-opvoeder by die skool; en
 - iv) die prinsipaal.

- f) 'n Beheerliggaam van 'n skool vir leerders met spesiale onderwysbehoefte bestaan uit—
 - i) sewe ouers wat nie by die skool in diens van die Wes-Kaap Onderwysdepartement of die beheerliggaam is nie, indien redelikerwys doenlik;
 - ii) twee opvoeders by die skool, gekies deur opvoeders in diens by die skool;
 - iii) een nie-opvoeder by die skool, gekies deur personeel by die skool wat nie opvoeders is nie;
 - iv) twee leerders in die agtste graad of hoër, gekies deur die verteenwoordigende raad van leerders vanuit sy geledere, indien doenlik;
 - v) die prinsipaal;
 - vi) een verteenwoordiger van borgliggame, indien van toepassing;
 - vii) een verteenwoordiger van organisasies van ouers van leerders met spesiale onderwysbehoefte, indien van toepassing;
 - viii) een verteenwoordiger van organisasies van gestremde persone, indien van toepassing;
 - ix) een gestremde persoon, indien van toepassing; en
 - x) een deskundige op gepaste gebiede van spesiale onderwysbehoefte.

2. BENOEMINGS VAN OUERLEDE

- a) Elke ouerkandidaat moet op 'n benoemingsvorm voorgestel en gesekondeer word deur ouers wat stemgeregtig is soos in paragraaf 4 hieronder aangedui. 'n Kieser wat 'n ouerkandidaat voorstel of sekondeer, moet eers bevestig dat die ouerkandidaat nie gediskwalifiseer is om tot lid verkies te word nie soos aangedui in paragraaf 3 hieronder.
- b) 'n Aparte benoemingsvorm moet vir elke benoeming van 'n ouerkandidaat ingevul word.
- c) Die kiesbeampte bepaal die tyd wat toegelaat word voor die benoemings- en verkiesingsvergadering en tydens die benoemings- en verkiesingsvergadering vir die benoeming van ouerkandidate, en die kiesbeampte moet die vergadering daarvan in kennis stel.

d) 'n Ouerkandidaat mag nie homself of haarself benoem nie.

3. DISKWALIFIKASIE VAN LEDE

'n Persoon mag nie as 'n lid van 'n beheerliggaam benoem of aangestel word nie indien hy of sy—

- a) te eniger tyd deur 'n geregshof skuldig bevind is aan 'n misdryf waarvoor hy of sy 'n opgeskorte vonnis sonder die keuse van 'n boete gekry het of tot gevangenisstraf sonder die keuse van 'n boete gevonnissen is, tensy hy of sy kwytskelding gekry het of die tydperk van opskorting of gevangenisstraf minstens drie jaar voor die datum van sy of haar benoeming of aanstelling as 'n lid van die beheerliggaam verstryk het;
- b) verklaar is as ongeskik om met kinders te werk ingevolge die "Children's Act, 2005" (Wet 38 van 2005), of die "Criminal Law (Sexual Offences and Related Matters) Amendment Act, 2007" (Wet 32 van 2007);
- c) geestesongesteld is en as sodanig verklaar is deur 'n geregshof;
- d) 'n ongerehabiliteerde insolvent is;
- e) in die geval van 'n opvoeder wat aangestel is ingevolge die Wet op die Indiensneming van Opvoeders, 1998 (Wet 76 van 1998), skuldig bevind is aan wangedrag en—
 - i) beboet is;
 - ii) sonder betaling geskors is;
 - iii) gedemoveer is; of
 - iv) 'n kombinasie van die strawwe beoog in subparagrafe (i) tot (iii) gekry het,
tensy die tydperk van sy of haar straf minstens drie jaar voor die datum van sy of haar benoeming of aanstelling as 'n lid van die beheerliggaam verstryk het;
- f) in die geval van 'n nie-opvoeder wat ingevolge die Staatsdienswet, 1994 (Proklamasie 103 van 1994), of deur die beheerliggaam aangestel is, skuldig bevind is aan wangedrag en—
 - i) sonder betaling geskors is;
 - ii) gedemoveer is; of
 - iii) 'n kombinasie van die strawwe beoog in subparagrafe (i) en (ii) gekry het,
tensy die tydperk van sy of haar straf minstens drie jaar voor die datum van sy of haar benoeming of aanstelling as 'n lid van die beheerliggaam verstryk het;
- g) in die geval van 'n ouer, nie 'n kind het wat as 'n leerder by die betrokke skool ingeskryf is nie en nie 'n versorger van die kind is nie; of
- h) gedurende die vorige drie jaar deur die hoof van die Wes-Kaap Onderwysdepartement uit 'n beheerliggaam verwyder is.

4. STEMREG

- a) Elke ouer van een of meer leerders wat by die skool ingeskryf is ten tyde van die verkiesing van lede van die beheerliggaam, is daarop geregtig om by die verkiesing vir ouerlede te stem. Hoogstens twee ouers per leerder word toegelaat om te stem.
- b) Elke opvoeder wat by die skool in diens is ten tyde van die verkiesing van lede van die beheerliggaam, insluitend die prinsipaal, is geregtig om by die verkiesing vir opvoederlede te stem.
- c) Elke nie-opvoeder wat by die skool in diens is ten tyde van die verkiesing van lede van die beheerliggaam, is geregtig om by die verkiesing vir nie-opvoederlede te stem: Met dien verstande dat indien die skool slegs een nie-opvoeder het, daardie persoon outomaties verkies is.
- d) Elke lid van die verteenwoordigende raad van leerders by die skool ten tyde van die verkiesing van lede van die beheerliggaam is geregtig om by die verkiesing vir leerderlede te stem.
- e) Elke stemgeregtigde persoon mag net een keer vir 'n bepaalde kandidaat stem, met 'n maksimum getal stemme gelyk aan die getal lede wat in die betrokke kategorie lede verkies moet word.

5. ALGEMEEN

Die prinsipaal kan—

- a) sodanige bykomende inligting by hierdie aanhangsel insluit as wat hy of sy nodig ag vir die gladde verloop van die verkiesing, soos byvoorbeeld die belangrikheid van ouerdeelname; of
- b) die dele van die aanhangsel wat nie op die betrokke verkiesing betrekking het nie, weglaat.



**Wes-Kaapse
Regering**

Onderwys



VORM 5

**2018-BEHEERLIGGAAMVERKIESINGS
BENOEMINGSVORM**

Verkiesing van Ouers van Leerders / Opvoeders / Nie-opvoeders as Lede van Beheerliggaam

(Regulasies 10, 12, 13, 14, 15, 16 en 17 van die Regulasies vir Prosedures vir die Instelling en Verkieping van Beheerliggame by Openbare Skole, 2017)

(By die benoeming en verkiesing van lede van die beheerliggaam moet daar gestreef word na die hoogste moontlike vlak van verteenwoordiging, en ons moedig ouers / opvoeders / nie-opvoeders dus aan om aan hierdie proses deel te neem.)

NAAM VAN SKOOL: _____

VOORSTELLER:

Ek, _____ ,
(Volle naam)

van _____
(Woonadres)

as 'n ouer van 'n leerder / opvoeder / nie-opvoeder van bogenoemde skool, stel hiermee

_____ ,
(Volle naam van kandidaat)

voor as lid van die beheerliggaam van die bogenoemde skool.

HANDTEKENING VAN VOORSTELLER

SEKONDANT:

Ek, _____ ,
(Volle naam)

van _____
(Woonadres)

as 'n ouer van 'n leerder / opvoeder / nie-opvoeder van die bogenoemde skool, sekondeer hierby die bogenoemde voorstel.

HANDTEKENING VAN SEKONDANT

KANDIDAAT:

Ek, _____ ,
(Volle naam)

van _____
(Woonadres)

Verklaar hiermee dat ek—

- (a) die bogenoemde benoeming aanvaar; en
- (b) nie gediskwalifiseer is soos beoog in paragraaf 3 van die “Verkiesingsreëls” (sien Vorm 4) om 'n lid van 'n beheerliggaam te wees nie

HANDTEKENING VAN KANDIDAAT

OF

(INDIEN VOORGESTEL OP BENOEMINGS- EN VERKIESINGSVERGADERING EN NIE
TEENWOORDIG OM DIE BENOEMINGSVORM IN TE VUL NIE)

Ek, _____ ,
(Volle naam)

verklaar dat skriftelike bewys tot my tevredenheid voorgelê is dat bogenoemde kandidaat, wat nie op die benoemings- en verkiesingsvergadering teenwoordig is om die benoemingsvorm in te vul nie, bereid sal wees, indien verkies, om as 'n lid van die beheerliggaam te dien.

HANDTEKENING VAN SKOOLKIESBEAMPTE

Hierdie benoeming word aanvaar/verwerp.
(Skrap wat nie van toepassing is nie)

HANDTEKENING VAN SKOOLKIESBEAMPTE

____/____/2020
DATUM